

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. In Christi horoscopo, mysteria Christi videri non potuisse.

urn:nbn:de:hbz:466:1-45653

incident calamitates? Certè illud mirari satis non possum, non modò, quòd Calendaria eiusemodi prædictionibus præliorum, cladium, mortuum, fatorum pestilentissima, lucri caussa, nonnulli excogitare, alij typis vulgare, alij vendere audeant; sed etiam, quòd tot reperiant emtores, lectores, credidores: immo à Catholicis Magistratibus ac Principibus, contra tot decreta Pontificum, fulmina Conciliorum, & adeò ipsa etiam iura legesque ciuiles, edere, vendere, legere, credere permittantur. Vtinam illud penderent de expellendis incolis ad Israëlitas dictum: *Gentes iste, Deut. 18.14. quarum possidebis terram, augures & diuinos audiunt: tu autem a Domino Deo tuo aliter institutus es, à qua institutione si recesseris, vide, ne & tu extermineris.*

At putant, se patrocinium habere sacrae scripturæ, in qua Magi aduentus sui caussam illam indicant: *Vidimus enim stellam eius.* Sanè D. Gregorius scribit, Priscillianistas docuisse, stellam hanc fuisse fatum Christi. Quibus accedunt Albusasar & ex eo author Speculi, quod vulgo Alberto Magno ascribitur, aliisque, qui autumant, Mundi Conditorem, in astris, prouidentiam suam, & ea, quæ per illam facturus est, certis notis signasse, & velut characteribus quibusdam inscriptisse. Vnde existimant etiam, in illa Christi stella, Christi ortum Magos legere potuisse; neque ortum tantum, sed etiam mores, miracula, vitamque vniuersam. Petrus de Aliaco Cardinalis & Archiepiscopus Cameracensis scribit, sub tempus Natiuitatis Christi, fuisse concursum Iouis cum Saturno, in Cancro: *in ipsa vero Christi Natiuitate,* inquit, *Horoscopus erat pars Virginis octaua (quæ religionis mutationes & partu Virginis significat) in culmine vero celi erat Saturnus; in imo autem Sol.* Quem Seruatoris Horoscopum in figura spectandum exhibit Sixtus Senensis.

Verum tametfi hoc de ascensu Virginis & beniguo siderum in Christum nascentem aspectu fidei non repugnat, vt ait Salmeron; repugnat tamen rationi, stellam Magis Christi ex Virgine ortum, mores, miracula, singulaque facta ostendere potuisse. Quo pacto enim Christi ex Virgine ortus, transfiguratio, Crucifixio, Resurrectio, res tam supernaturales, arte naturali, qualis dicitur esse Astrologia, deprehendi potuissent? An characteres aliqui in ea stella cernebantur? & litteris fortasse scriptum ibi erat: *Virgo peperit: Christus natus est: Crucifigetur: In celum ascendet?* At cur eas litteras

VII.
Matth. 2. 2.

S. Gregor.
homil. 10. in
Euang.

Petrus de A-
liaco Car-
din. & Ar-
chiep. Ca-
merac. q. 30.
in Gen.
Sixt. Seneni.
lib. 6. Biblio-
oth. c. 10.

VIII.

teras nemo vidit, præter Magos? & quād Aquilinum eos visum habuisse necesse est, vt litteras illas legere possent? multoq[ue] magis Astrologi nostri, quos plerumque vel maculæ Solis excæcant, mirabiles esse debent, si tam procul legere possunt, quæ inscriptæ sunt in stellis firmamenti, cum s[ecundu]m non videant fossam ante pedes patefactam, in quam cælo defixi prolabuntur. Quid quod omnis Astrologorum obseruatio experientia nitatur? Aiunt enim, hoc, & illo, & isto anno, quando Mars cum Ioue concurrit, in Libra, experti sumus seditiones, rebelliones, sœua prælia extitisse. Quare etiam hoc anno, in simili concursu, iterum prælia, seditiones & rebelliones existent. Hæc est seu ars, seu conjectura, seu suspicio spumantis arrogantiæ. At dicant mihi isti, quam experientiam habuerint, de Virgine paritura? de nascituro, passuro, aut morituro Deo? Nunquam enim, ante Deiparam, ylla Virgo perperit: nunquam ex homine natus, nunquam passus, aut mortuus est, ante Christum, Deus. Nullam ergo experientiam, & quod inde conficitur, nullam eiusmodi scientiam, è stella illa, Astrologi habere potuerunt: somnia Priscillianistæ habuerunt, & phantasmatæ delirorum. Age, qui è schola istorum prodijisti, dic mihi, quid ex Horoscopo, siue concursu stellarum, qui sit, infante in lucem ex utero matris prodeunte, colligis? Nempe ex ascensu stellæ Iouis, coniçis, puerum, qui tunc nascitur, hilarem fore ac Iouialem: ex ascensu Martis, fore pugnacem: ex ascensu Lunæ variū fore ac mutabilem: ex ascensu Saturni, melancholicum fore ac suspicacem, eò quod hæc sidera, ad eiusmodi cōplexiones ac inclinations, naturalem habeant influxum. Demus tibi hoc. At dic, sodes, quænam stella est, quæ ordinem habeat atque influxum, ad effectus supernaturales? ad miracula producenda? ad Verbi diuini Incarnationem? ad edendum partum, illæsa virginitate? ad genus humanum, ab æterna damnatione, redimendum? Hæc talia nonne fateberis, supra omnem vim stellarum, excedere? & à sola supernaturali omnipotentia Dei perfici posse? Non ergo Fatum aliquod in stella Magorum est collocandum.

I X.

S. Gregor. omnium, ita etiam stellarum est Dominus. Quare non fas est, vt homil. 10. in ille stellarum, sed vt stellæ illi subijcantur. *Dum non puer ad stellam,*
Euang. ait S. Gregorius, *sed stella ad puerum cucurrit, si dici liceat: non stella fatum pueri, sed fatum stellæ is, qui apparet, puer fuit.* Quamobrem rectè